

中國方志叢書·華中地方·第三三八號

據

明·童承敘撰
明嘉靖九年刊，民國十五年重刊本

影印

湖北省

沔陽州志

(全)

成文出版社有限公司印行



10098286

中華民國六十四年 月壹一版

沔陽州志

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號



泗陽州志



沔陽盧氏慎始基齋

據舊鈔本校于都門

志目

沂陽童承敘

紀

郡紀第一

表

郡縣表第一

封爵表第二

秩官表第三

人物表第四

志

提封上第一

提封下第二

創設第三

河防第四

食貨第五

秩祀第六

儒學第七

兵戎第八

傳

秩官列傳第一

人物列傳上第二

人物列傳下第三

良牧傳第四

名將傳第五

死事傳第六

名賢傳第七

逸士傳第八

僑寓傳第九

孝義傳第十

外傳第十一

序志

余爲志據諸史傳及故志所載冗者裁焉鄙者黜焉略者覈焉訛者正焉疑者傳焉其功賴諸子搜校爲多

特類萃耳紀一表四志八傳十有一統十有八卷郡之
大事鑒戒存焉作郡紀封爵秩官人物皆爲郡邑重作
四表凡志郡邑者民所止也故首提封位署建而制度
彰矣故次創設役莫大於隄障民食仰焉故次河防河
防固而財用阜矣故次食貨富必有教故次秩祀學校
者禮所從出故次儒學有文必有武故次兵戎凡傳秩
官人物敘事也良牧惠也名將錄功也死事忠也名賢
尊德也逸士尙志也僑寓思也孝義崇節也外傳備遺
也童承敘識

沔陽州志卷一

沔陽童承敘

郡紀

唐堯之興因顓帝所建爲九州其南爲荆

域也

虞舜肇十有二州其一荊州

夏禹平水土還爲九州荆及衡陽惟荊州嶠冢導漢過三澨至于大別岷山導江過九江庭至于東陵庭江漢朝宗于海沱潛旣道雲土夢作乂

商湯奄有九有制如夏

周文王之化自北而南江漢之域先被其澤謂之周南

於是作漢廣之詩

武王受命亦爲九州正南曰荊州川曰江漢藪曰雲夢

成王封鬻熊曾孫熊繹於楚居丹陽歸州沔爲楚地景陵

爲鄖地漢志景陵有鄖鄉水經注巾

昭王五十一年王巡狩返濟漢舟解王與祭公俱溺焉

胡三省注左桑引水經注左桑在雲杜昭王溺處言百姓住王喪也雲杜又有橫桑言得昭王喪處晉於竟陵

桑成

夷王時楚子熊渠甚得江漢民和至文王熊貲益疆陵

江漢間小國

定王三年楚莊王侶總帥諸侯觀兵周郊并吞江漢之

間

景王十六年

魯昭公十三年

楚公子比為王公子黑肱為令尹

次于魚陂

杜預注竟陵縣北有甘魚陂楚守甘魚之口亦此地

敬王十四年

定公四年

楚滅鄢封鬬辛為鄢公是歲吳入鄢

昭王出奔入雲中盜攻之王走鄢鄢公辛與王出奔隨

涉於成臼

杜預注竟陵縣西有白水

赧王三十七年秦白起攻楚拔郢遷東至竟陵

秦始皇郡縣天下置南郡沔為南郡地

漢興高祖更置江夏郡竟陵為縣西北為雲杜縣

據在景陵西北梁於此置沔陽縣胡三省通鑑注雲杜在沔陽縣北

北

沔為雲杜地

故

王莽改竟陵曰守平

莽地皇元年竟陵三老

漢鄉官名
姓名關

起兵於郡界新市

人王匡王鳳與馬武王常共起雲杜綠林中二年荊
州牧發兵攻之匡等迎擊於雲杜大破牧軍遂攻拔

竟陵

東漢竟陵雲杜制如漢

桓帝延熹七年正月戊辰桓帝幸竟陵過雲夢臨沔水

獻帝建安三年九月蜀先主敗於長坂斜趨漢津與關

羽船會得濟沔

景陵今有留
馬河先主廟

十月吳周瑜破曹操於烏林

按史操引次江北被燒走
華容今烏林正在江北與

赤壁對飲關羽
亦曰烏林之役

三國竟陵雲杜吳地

晉初竟陵雲杜制如漢

武帝太康元年杜預鎮襄陽開楊口通零桂之漕

預傳楊口

起夏水達巴陵水經注楊水北逕竟陵縣北注于沔謂之楊口通典復州沔陽有夏水

惠帝元康九年分江夏西部都尉置竟陵郡治石城領

縣六

長壽竟陵新市
雲杜

太安二年正月義陽蠻張昌聚黨爲亂江沔間起兵應之

七月荊州刺史劉弘以南蠻長史陶侃爲大都護遣攻

昌於竟陵大破之

懷帝永嘉六年正月胡亢聚眾於竟陵自號楚公以杜

預爲竟陵太守

十二月杜弢別將王真襲沔陽

按晉志南郡江陵屬沔陽胡三省注當屬

竟陵郡界宋白日復州沔陽縣漢縣也郡國志沔陽縣卽楚王城

成帝咸康五年九月石虎將夔安李農陷沔南進圍石城竟陵太守李陽拒戰破之

穆帝永和四年十月石虎使其將苻健寇竟陵

帝奕太和三年四月慕容暉將慕容塵寇竟陵太守羅崇擊破之

孝武帝太元六年十二月苻堅荊州刺史都貴遣其司

馬同振寇竟陵桓冲遣冠軍將軍桓石虔與其弟石民

敬之擒振

按晉志都貴作梁成

南宋初竟陵郡屬荊州孝建元年屬郢州

領縣同晉竟陵木

產連理其上有光

齊和帝中興元年蕭衍至竟陵命王茂曹景宗爲前軍
進逼郢以中兵參軍張法安守竟陵城

梁武帝分竟陵郡置沔陽郡

隋志梁置沔陽郡胡三省釋文辨誤梁置沔陽郡於

漢竟陵縣地故志雲杜賦注梁於此置沔陽郡

大通五年十二月魏荊州刺史賀拔勝遣軍攻沔陽拔

之史紀通鑑釋文沔陽漢中邑胡三省釋文辨誤漢中沔陽屬梁州時梁州已爲魏有史紀釋非

大清三年司州刺史柳仲禮赴臺城竟陵郡守孫暉以
郡叛入于魏宇文泰使大都督符貴鎮之

簡文帝大寶元年正月仲禮還暉仍以郡歸泰將開府
楊忠擒仲禮于滌頭別將王叔孫以竟陵降于忠

史敘曰晉置竟陵郡治石城

陸今安

書其事何竟陵我郡

也其治石城何石城竟陵地也竟陵既自爲郡凡大事必書書必繫於竟陵明我郡事也書我郡事故不嫌於石城也梁置沔陽郡竟陵爲異郡矣復書其事何存故也春秋書陳災詩列邶鄘之風陳楚并之也邶鄘衛并之也何爲復繫之存之也

西魏省州陵惠懷二縣置縣曰建興

見隋志卽今治所

郡惠懷

改竟陵曰霄城

晉有霄城魏或

後周置復州

治沔

爲名治建興又省營陽州城二郡入建興

見隋志營陽州城志闕

復以霄城爲竟陵

隋文帝開皇間徙復州治竟陵

仁壽三年州治復徙建興

煬帝大業初改沔州又改建興曰沔陽尋復沔陽郡統

縣五

沔陽監利竟陵
鍾山漢陽

大業十一年十一月城父朱粲聚眾轉掠荆沔所過無

不類

恭帝義寧元年十月沔陽人張繡謀據郡叛隋推蕭詵

為主

唐高祖武德四年五月隋真定令周法明遣于紹德攻

沔陽拔之因以城降于唐

武德五年改復州屬山南道領縣三

沔陽竟陵監利

是年徙復

州治竟陵